

6  
28

34-7-B-19-

**Sem. Rom. Conuict.**



Romæ, Typis Francisci de' Laz. fil. Ignatij. 1687.  
SUPERIORVM PERMISSV.

D E  
S. SPIRITVS  
A. D. V. E. N. T. V.  
O R A T I O

Habita in Sacello Pontificio.

AD SANCTISSIMUM D. N.  
INNOCENTIVM XI  
PONT. MAX.  
AD ANTONIO BANCHERO  
PISTORIENSIS

Sen. Rom. Consul.



Senatus Populi Romanus  
SECRETORVM



SANCTISS. D. N.  
INNOCENTIO XI.  
PONT. MAX.

ANTONIUS BANCHERIVS  
FELICITATEM.



IBI sisti petit Ora-  
tio mea, qui Virtu-  
tibus Tuis quidquid  
illa balburit, elegan-  
ter eloqueris. Per  
deciduas Diuini Spi-  
ritus flammās Sapientiam, & for-


A 2 titu-

4  
titudinem , quas ambas virtutes  
splendor , & calor designant , in  
filios adoptionis effundi propo-  
nit illa , probatque . Eius propo-  
sitionem sapientissimus ipse , for-  
tissimusque abundè confirmas .  
Vnicam Reginam Sapientia Salo-  
monis Solimam aduocauit ; Tua  
Principes complures , Regios Le-  
gatos , totum fere Orbem Romam  
adduxit . Tua verò fortitudo , ve-  
luti tuo pectore maior , adeoque re-  
dundans totam fere Europam in  
Othomannicum Imperium obar-  
mauit . Animam Mundo magnam  
per totos Terrarum sinus , Celique  
tractus diffusam inesse , Philosophi  
quidam specioso mendacio puta-  
uere ; quidni Anima Mundi magna  
INNOCENTIVS XI. , cuius vi to-  
tius christiani orbis alitur vita ; toti

excr-




**S**  
exercitus ad bella, & victorias animantur? Quando autem Orationem meam virtutibus Tuis adeo iuvas, vtinam Oratorem iuues nobili Partocinio.



*Imprimatur,*  
Si videbitur Reuerendiss. Patri Sac. Pal.  
Apost. Magist.  
*Steph. Ioseph Menattus Ep. Cyren. Vicefg.*

---

*Imprimatur,*  
Fr. Dominicus Maria Putcobonellus Sac.  
Apost. Pal. Magist.





# ORATIO.



ENSILE isthoc, BEATISSIME PATER, quod super capita Apostolorum videmus incendium, non otiosum, æris ostentum est; non luminis inanis pompa: non ludibrium fideris coruscantis. Ludit quidem in-

or-

orbe terrarum Deus; serio tamen ludo,  
 nec sine fructu. Qui Turbæ precantis  
 verticem coronat, Ignis, eiusdem men-  
 tem illustrat, animum firmat. Hæc duo  
 potissimum bona, quæ nobis profanus  
 Amor ademerat, felix ista flammarum,  
 & Spiritus vehementis procella, nempe  
 Diuinus Amor, in genus humanum  
 effudit, Sapientiæ lumen, quo mens il-  
 lustretur, vires quibus animus obfir-  
 metur.

Et sanè desipere homines, atque  
 eneruari, cum profanis indulgent amo-  
 ribus, satis Samsonis, & Salomonis e-  
 xempla confirmant. Quale fuerit Sam-  
 sonis robur, priusquam Dalilæ amo-  
 ribus irretiretur, Deo authore cogno-  
 uimus. Immaniissimi Leonis lacerauit  
 rictus, ferociam præfocauit. In vrbe  
 hostili deprehensus, cum inde euadere  
 nequiret, sublatas cardinibus Urbis fores  
 imposuit humeris, aliòque transuxit  
 baiulus triumphalis. Vilem maxillam



rotans, circumfusam hostium multitudinem nouo teli genere per ludibrium cecidit. Talem, tantumque virum vastatorem nemorum, terrorem Urbium, aduersantis quotidie populi domitorem, Samsonem, vnus Amor profanus infregit. Hinc cædes capillorum, oculorum strages, debilitas lacertorum. Qui Samsoni Vires, idem Salomoni Sapientiam vitiosus Amor ademit. Sapientissimus certè Salomon, donec licito contentus, vetitos amores non coluit. Tunc Reginas famâ sui nominis acciuit: tunc Reges sua maiestate ad obsequium compulit: tuuc optimis legibus aulam composuit: tunc demum adorando Numini Ædem solo cælo minorem sacrauit. Postquam verò regiam dignitatem ad ignobiles amores depressit, illicò sapientiam sibi sublatam doluit. Tunc Idolis delubra condita: sata nemora nutriendæ superstitioni deuota: regijs curis præhabitum otium voluptuosum.

Pro-

Profani Amoris damna recensuimus,  
 Fortitudinis iacturam, & Sapientiæ. Con-  
 tra quotquot Amoris Diuini flammis  
 incendimur, Fortitudine locupletamur,  
 & Sapientia. Qui, rogo vos, homines  
 fuere magis, aut rudes, aut imbecilli,  
 quam Apostoli nondum Pentecostem  
 experti feliciter incendiariam? Trien-  
 nium totum, & amplius corporatam  
 Sapientiam audiuerant: audientes tamen  
 non audiuerant, nec intelligentes intel-  
 lexerant. Iidem debiles adeo, vt ad An-  
 cillæ voculam perhorruerit omnium;  
 Princeps Petrus; reliqui satellites fuge-  
 rint/à quibus non quærebantur. Vix  
 autem eorum capita innocens ignis inse-  
 dit, eorum corda diuinus Amor incendit,  
 cùm Vates non intelligunt modo, sed  
 fiunt, plura hominum millena Diuinas  
 litteras edocent, & sacram Theologiam.  
 Pauidi quondam, modo satellites ri-  
 dent, Reges prouocant, crucem inue-  
 hunt in capitolium. Ne verò huiusmo-  
 di

## II

di vim post illa Apostolorum tempora  
 deferbuiffe putetis . Eadem nunc Sa-  
 pientia , eadem Firmitas animi ortodo-  
 xam Ecclesiam munit, vtpote quam  
 idem diuini Spiritus ardor incendit. Vi-  
 demus quotidie perditorum hominum  
 artes Sapientissime detegi, hostium im-  
 petus Fortissime propulsari . Vidimus  
 Gallix finibus heresim Sapienter eiectam,  
 Turcarum in Austria conatus Fortiter  
 nec semel elusos , totam fere Vngariam  
 Cæsari redditam , & Vaticano . Non  
 hæc Princeipum federatorum vis est, sed  
 Amoris diuini . Qui duodecim hodie  
 Christi asseclas sapientia, & fortitudine  
 obarmavit Spiritus fortitudinis , atque  
 consilij, idem sacri huius belli Ducibus  
 Sapientiam, Robur militibus impertiuit,  
 impertietque, donec veterem Romam  
 Bizantium adorabit .

